

重刊道藏輯要

呂帝聖蹟紀要

武昌鬻梳

呂帝遊武昌天心橋隱姓名鬻敝木梳索價千錢連月不售俄有老媪行乞年八十餘龍鍾偃僂禿髮如雪呂帝謂曰世人循目前襲常見吾穹價貨敝穢物豈無意而千萬人咸無超卓之見尙可與語道耶乃以梳爲媪理髮隨梳隨長鬢黑委地形容變少眾始神之爭以求梳呂帝笑曰見之不識識之不見乃投梳橋下化爲蒼龍飛去呂帝與媪不見

三口一室

道藏輯要

聖蹟紀要

壁集五
X 0 0 1 1

馬善東都人熙寧初舉進士不第學道一日與一侯道人名玳行汴水見一羽士青巾布袍體秀骨異目如明水面無塵濁馬召啜茶且飲食之侯性素瞋叱之羽士曰汝有何法侯曰飛符召鬼點石化金歸錢返壁羽士曰子所爲皆非正法侯曰子何能曰吾能壯吾氣射酒肆去燭數十丈而燭立滅復吐氣吹侯面若驚風大發凜凜不可支二人起謝曰先生非凡人也幸見教羽士曰學仙須立功行功卽勤苦修鍊行卽濟人利物語及曙羽士作別曰吾將返湘水之濱與子酌於柳陰下以金合侯市酒適無酒羽士以瓶一隻命侯取汴水一瓶以藥一丸投之立成美酒三人共飲大醉羽士留詩一章曰三口共一室室畔

水偏清生來走天下卽是姓兼名既別一人測之乃知爲呂帝云

吹簫圖書

京兆程梓園先生爲諸生時赴考寓一至親家夜夢一人賣書云此書上人能活因展看見一老人忽動徐下畫吹簫及醒時簫聲猶在耳也清晨觀堂中畫乃吳小仙寫呂帝吹簫圖遂索歸供養並誌跋

竅緝存神

監文思院趙應道病瘵瘵幾委頓泣別親舊曰吾死矣夫閨閣中一物皆捨得獨鶴髮老親無托奈何語未竟俄有道人扣門道藏輯要 聖蹟紀要 二 壁集五 川〇三十一 語趙曰病不難愈也取緝二幅各指其中爲一方竅徑可二尺許以授趙曰俟夜燒一幅灰之調乳香湯塗病上留一幅以待後人言訖道人不復見始悟兩方竅乃呂字也

口口相傳

梓潼婁道明家富善御女術常畜少女十人晝夜迭御無休息而神清體健面若桃紅或經日不食年九十有七止如三十許人尤好夸誕大言對客會飲自以爲真仙也一日呂帝托爲乞人登門婁不識之叱使去呂帝以兩足踏石上遽成兩方竅深可二寸婁始驚異延之座右日子非凡人也出侍女歌遊仙詞命之酒呂帝口占望江南詞酬之曰瑤池上瑞霧羣仙素練